


雲南溫泉志補

地729
35
部四



雲南溫涼志
補四卷

已未五月
刊於滇垣

30002

物

雲南溫泉志補自序

溫泉之愆沸也不盡根火山之作用然地經火山脈盤絡或與接近溫泉必繁軼他處日本羣島美利堅西鄙或絡以火山脈或與火山脈接近溫泉竅涌繁若星稠而東山一道達百七十窩民州黃石一圍達五百尤爲寓內所稀覯非證例歟雲南建水宜良祿勸鶴慶等轄境火山及其遺蹟多所呈露脈絡固隱約可尋是則隸滇各地或絡火山脈或與接近地層下之溫度較濃地面溫泉宜視汗進而莫可制止亦東山窩民之流亞也矧宛溫之錫昭於漢志溫水之遼繫於水經厥端已見迨黑水碧池載之華陽國志潛確類書等籍益明著之特坤隅窳阻躑於宴揆語焉弗詳職是之故即近人纂勒專書舉國溫泉訪蒐殆遍滇南一域亦第獲十之二三宜縱譚八嶺名勝

雲南溫泉志補自序

木
一
集

者從未提與東山窩民而并論致令我邦夸奇競異非可數見之殊蹟祕而弗彰至可惜耳昆明李季山先生生斯長斯習於志乘抽祕表彰哀然成表先河之瀉已著大觀如助涓流益形浩汗余竺耆地學雜誦心喜爰出淫書會友所獲者集爲補編四卷雖漫續紹尙非全豹緣歸流新邑羈縻舊區文獻無徵莫由采摭而此外山藁箚翳爲所湮蔽者又不知凡幾如槩發見當益加多耳斯編墜拈罅補第就一百七十五處之已發見者撮其槩勢俾見滇富溫泉即富火山爲一斑之著并便後之纂地志者之撫捋轉獻寓內庶不讓東山窩民之專美於時而溫泉不成爲鑛泉者絕少鑛泉旣密足徵鑛類是繁亦可藉惹主鑛政者之厝意若測績化分互較比列蒼爲精製以供攻地質學醫醫學家之考索則來者多能尤屬望於異日焉

中華民國八年二月淮安童振藻識

雲南溫泉志補自序

一一

木硯齋叢書
第一集

雲南溫泉志補目錄

卷一

滇中道

昆明縣 溫泉三處

昆陽縣 溫泉一處

安甯縣 同上

易門縣 同上

宜良縣 溫泉六處

羅次縣 溫泉一處

元謀縣 同上

祿勸縣 溫泉三處

羅平縣 溫泉二處

曲靖縣 溫泉一處

宣威縣 同上

尋甸縣 溫泉五處

陸良縣 溫泉二處

平彝縣 溫泉二處

會澤縣 溫泉二處

彝良縣 溫泉一處

雲南溫泉志補目錄

鹽津縣 溫泉一處

徽江縣 溫泉四處

江川縣 同上

玉溪縣 溫泉一處

路南縣 同上

牟定縣 溫泉二處

以上二十二縣溫泉共四十六處

卷二

蒙自道

彌勒縣 溫泉四處

石屏縣 溫泉一處

黎縣 溫泉三處

通海縣 溫泉一處

寶峩縣 同上

蒙自縣 同上

建水縣 溫泉六處

阿迷縣 溫泉一處

河西縣 同上

廣南縣 同上

富州縣 同 上

文山縣 溫泉二處

師宗縣 溫泉一處

瀘西縣 同 上

以上十四縣溫泉共二十五處

卷三

騰越道

鹽豐縣 溫泉一處

鎮南縣 溫泉四處

姚安縣 溫泉二處

大姚縣 溫泉一處

劍川縣 同 上

鳳儀縣 溫泉八處

彌渡縣 溫泉一處

祥雲縣 溫泉五處

洱源縣 溫泉三處

賓川縣 溫泉五處

鄧川縣 溫泉六處

雲龍縣 溫泉三處

雲南溫泉志補目錄

一一

木硯齋叢書

第一集

鶴慶縣 溫泉五處

蘭坪縣 溫泉一處

中甸縣 同 上

永北縣 溫泉五處

麗江縣 溫泉四處

永平縣 溫泉一處

保山縣 溫泉四處

騰衝縣 溫泉十六處

龍陵縣 溫泉一處

蒙化縣 溫泉二處

順寧縣 溫泉七處

以上二十三縣溫泉共八十七處

卷四

普洱道

新平縣 溫泉二處

元江縣 溫泉七處

雲 縣 溫泉二處

緬寧縣 溫泉一處

寧洱縣 溫泉二處

思茅縣 溫泉一處

景谷縣 同 上

瀾滄縣 同 上

以上八縣溫泉共十七處

右計六十七縣溫泉共一百七十五處

此为试读, 需要完整PDF请访问: www.ertongbook.com

雲南溫泉志補卷一

淮安童振藻仲華纂

滇中道

昆明縣 原係雲南府附郭首縣 民國二年四月裁府留縣

茱海 按後漢書郡國志滇池北有黑水祠劉昭注引華陽國志云水是溫泉而清一統志謂黑水祠在昆明城內東南隅是則昆明城內應有溫泉雲南府志昆明縣志均脫而未載前訪聞昆明城內茱海之濱有溫水一縷迸自地隙惟混於他水尙難確定近昆明丁生績遠謂此溫泉已由李姓在茱海東北岸馬門寺巷住宅內鑿池引之泉間泡發特溫度頗低入冬難供沐浴此泉或即古黑水溫泉亦未可知

雲南溫泉志補卷一

木倪齋叢書
第一集

沙朗村 郭其珍沙朗村溫泉記距昆明城北三十里沙朗地方有溫泉二沙朗分東北西三村溫泉在西村之東涌自山麓兩泉相距約半里均無硫磺氣大者深約五尺現已砌石池寬廣約丈餘小者淺窄溫度亦視大者爲遜惟大者水渾小者水清

按沙朗村溫泉雲南府志昆明縣志均失載

昆陽縣 原係昆陽州 民國二年四月改縣

熱水塘 雲南府志在州北四十五里滇池旁水氣微溫漁人取浴按昆陽州志所載惟水氣微溫作水氣溫煖餘均與府志同而何大寵滇池論謂昆陽友于村之南崗下出二泉一寒一溫不盈百步並入滇池每當風靜波澄海泉湧出之處翻青淪白有如沸釜篙工罟師皆能詳之此泉是否熱水塘之溫泉俟再考

定

安甯縣 原係安甯州 民國二年四月改縣

碧玉泉 陳仁錫潛確居類書安甯州有溫泉色如碧玉可鑿毫髮清一統志在安甯北十里亦名碧玉泉一名湯池明楊慎云溫泉在安甯州白崖德勝間浪穹宜良鄧川之泊凡數十處而安甯爲最清澈見底垢自浮去不積舊有人見其竅出丹砂數粒乃知其下爲丹砂

讀史方輿紀要湯池在州北十里亦稱碧玉泉滇略云滇溫泉至多而州之碧玉泉爲冠四山壁立中爲石坎飛泉注焉

雲南府志在州北十里出崖穴間水溫而潔中有二石深碧如玉明修撰楊慎題爲天下第一泉康熙二十八年總督范承勳巡撫

雲南溫泉志補卷一

木硯齋叢書
第一集

石琳按察使許宏勳別鑿二池曰小玉漱玉旁建房宇諸處各極幽雅

安甯州志泉在州治北十里巖石嵌結成池水從石隙穿迸而生或從池底河中瀆湧而出如萬斛明珠噴沸水面滾滾不窮氣味甘香不寒不燥人浴其中肌膚若冰雪不事拂拭而垢膩自毛孔際縷縷以起從水面自行浮去與礬石硫磺作底而惡氣逆鼻者不啻天淵人有從石竇間獲硃砂數粒者方識此水當駕紅泉之上若痰濕痼疾之不治者久沐輒愈明楊升庵先生品德評功題爲天下第一湯其名碧玉者何蓋以水色澄鮮石光黯碧欲浴之者以玉比德以水比鑑之意云爾

按黃山紫雲峰下溫泉亦有天下第一泉之稱桐城王悔生灼

遊記謂是泉壁間石刻有天下第一名泉等字泉下布淡紅細砂北有冷泉由石罅中流入池內水氣鬱蒸得此調劑溫涼適中又池東一小石竅以流其穢終日浴而垢不積近人黃任之炎培日記湯泉與紫雲庵俱臨青龍潭上其上爲紫雲峰庵當其腰泉其趾焉泉深三尺池長一丈五尺廣半之窪山腹覆池之半外蔽以亭凡溫泉多含硫磺相傳此獨含硃砂觀此則紫雲峰泉與碧玉泉皆係硃砂泉宜俱負天下勝名莫能第甲乙焉

趙元祚滇南山水綱目昆池自昆陽州六街子石龍壩西瀉而北折約四十餘里經安寧州城東北流二十餘里東納溫泉水即楊升庵題天下第一湯者

曹樹翹滇南雜誌雲南溫泉到處皆有而熱者可燐牲畜氣惡臭者不少惟安寧州泉爲天下第一不寒不熱純粹如柔盎然如坐春風古人湯井溫泉所以分言也又其色湛深光潔如碧玉投之瓦石不論元白皆碧色浴之者肌體亦然而身上垢膩皆片片自起浮去不用摩擦理亦莫解曾有人見其竅出丹砂數粒王褒云白礬上徹丹砂下沈殆其然歟或擲錢於中皆如蝶翩翻飛舞而下童子泫水拾之撲捉無定并與他泉不同楊升庵稱爲天下第一泉今俱名爲碧玉泉皆稱其實者也

張泓滇南新語安寧州溫泉可媲美於華清泉去州西十里一水可通其河曰螳川乾隆丙寅丁卯間余屢奉檄赴省安寧爲迤西咽喉每至必停車州刺史鍾祥陝品留余駐轡同舟西下未逾時

已抵雲濤寺矣寺倚山臨澗水澄碧如玉喧騰如電絕似冷泉寺左峭壁聳拔古翠可愛別有洞十餘入其中屢幽折迷返其徑如杭之飛夾俗云七竅通天處近澗有醒石醉石牛臥石題韻甚夥寺右則湯池也覆以閣啓窗以疏其氣四壁皆巖石古致陸離池中亦瑩以石深可沒腹寬廣丈餘內鑿石磴數級可坐浴湯淨如琉璃其底鱗鱗鋪細石泉自石罅如魚吐沫泛池面浮花融融靈珠顆顆以錢投之翩翩如蛺蝶數刻乃沈濯體無硫磺氣誠勝地也題詠亦多摩崖鐫額更盛惟楊廷棟提學顏以不因人熱四字可稱佳絕

按華清池在驪山東繡嶺世稱爲譽石泉無硫磺氣秦時已砌石起宇漢代復加修飾唐更踵事增華舊傳有湯十六所後僅

存玉女等數池至近時祇有兩所海寧陳六謙弈禧臬蘭載筆謂舊湯盡塞今止開兩湯亦非當時故處浴時解衣坐水潤體濯泉一泓澄碧暖香汎濫久之遍透肌骨舉身暢適汗發橫流而不覺其熱云滇南新語謂可媲美華清特列此以資比較焉許纘曾東還紀程安寧城北有曹溪寺寺對河有湯泉楊用修題爲天下第一溫泉也

王昶滇行日錄循螳螂川而西十餘里至玉泉山之雲濤寺寺前洞穴嵌空寺中紅梅二株及山茶皆盛開飯已浴於碧玉泉泉寬丈餘深二尺許楊用修題爲天下第一湯蓋煖而無硫氣較他處爲佳

錢文選游滇紀事泉在煖露寺水如碧玉水泡不時上升池方形

徑約一丈深約三尺五寸中心有長方形石板一長五尺餘寬二尺一端置小圓石一高約五寸石板之面水深四五寸新建潛廬後亦鑿有一池池上覆一亭亭栽花木布置井井有條

鄭重毅安甯溫泉記泉在城北十餘里設有浴塘三所一曰官塘士宦浴焉二曰男塘常人浴焉三曰女塘婦女浴焉護守有人秩序井然

趙永熙安甯溫泉記安甯縣北十里許溫泉村有溫泉幾半畝甃爲池澄澈見底熱不甚烈故就浴者多而垢膩則永無沈澱者昔人謂下有丹砂是以浮物相傳馬援征交趾還部將李文達駐軍對山因獵見谷底叢木穢莽間有氣鬱勃上升訝而掘視得溫泉泉附近有地多大蛇即溫泉發洩處也

明李元陽安甯溫泉同升庵修撰詩碧雞空翠映堂川坐見湯池起夕烟谷口招尋仙作伴自矜同上李膺船溪回谷轉滇陰道霧霰依違着花草奕奕紅亭跨碧波遙遙金鋪依雲窩紅亭金鋪總相宜水閣雲屏元蔽虧地脈陰陽割天巧池心玉石奪人奇誰家羅衣着白苧繁花點耀清江渚赤脚奴兒習泳游挈得銀瓶傍崖煮酒香花氣蒸遊人浴歌足濯鳳山春麗日溫凝錦繡段香波氣鬱膏蘭辛可憐巖窟淨如拭更向澄源理容色祇知毛髮鑿去來詎意塵顏轉悽惻君不見驪岫氤氳水殿香太真浴罷宮雲涼君王當年歌遊地泱泱風沙西日黃
清趙士麟憶安甯溫泉詩天下名泉推第一何渠不作硫磺香華山玉女洗頭水灑向螳川灑霜雪

張漢安寧偕段侍御晴川遊溫泉詩澁澁渠中水纍纍綠珠歎清
芬無硫氣淺碧瀉苔痕水德羞容垢獨滌手不煩石床水中沚跣
跌倚雲根亭書冷然字取意何偏反御風吾所好獨冷人皆溫時
維暮之春得意喜忘言風浴與童冠吾道至今存

王文治安寧州溫泉用壁間劉制府韻飛岩出雲雲不流洞門竹
木深且幽其間煖谷泛靈液至陽發地誰所湫華清清潔略似此
彼依都會茲荒陬方塘鏡面止不動著膚溫膩如膏油雖無凝脂
沐恩澤一洗能使痼疾瘳天公位置各有在默思此理心悠悠自
結華纓入塵網煩襟暫滌那可求應是多生宿緣在適與清景相
綢繆浴罷身輕兩眸澈日光恰向林端浮招提更聽晚鐘響片時
眞作物外遊

按碧玉溫泉余戊申役易門勘賑命曾一訪之泉瀕堂川厥流
四溢然多川注其首出地係舊池取次退流承以二池即所謂
小玉漱玉者是舊池伏室陬寬廣度數暨水質及瀆涌等狀況
一如滇南新語游滇紀事所錄而設石可坐亦與紫雲峰泉相
侔惟余垢刮方淨滇南雜誌謂垢自浮去不用摩擦意曹公非
舊染未深入水即褪或因陳言以爲銜耳近旁壁間有瀋陽范
公題域外華清大梁張公題幽谷長春兩額頗雅切不第不因
人熱之可傳焉雖池字之飾遜驪山而溫度和緩不必如黃山
劑以冷泉亦自適中爲差勝耳且聞積瀉開溝灌地數百畝利
濟農田尤著功德不僅滌瑕蕩穢堪以澡雪精神已也至泉際
向韞硃砂國人多藉以稱之近外人考驗或品爲炭酸云一日

本有馬武庫山有炭酸泉清冽可飲德威士巴頓附近奄士溫泉亦炭酸泉泉水中飲曾置格連牽等飲水場數處

易門縣

苗茂水 續修易門縣志在縣南二十里苗茂水入易門江處石岸間白石壁噴瀉而出溫潔異常浴可愈疾時盈時涸人以爲龍之去來云

宜良縣

湯池驛 讀史方輿紀要湯池驛在西北八十里有湯池水如百沸湯湯池巡司亦置於此西去府城七十里

湯池 雲南府志湯池在縣西南二十里水如沸湯

壬仁端旅行記湯池後山麓溫泉四溢約在攝氏五十度左右洗

面滌衣均恃此供給市面有一小塘村人建屋其旁專作沐浴之用然人工之培補不精確氣之發洩過甚目染鼻臭惡濁非常

按日本溫泉熱度最高者達華氏百八十五度零美利堅溫泉熱度最高者達二百十度是泉僅合攝氏五十度左右與日本上野伊香保溫泉相等至泉在一村中村民百餘戶團居設小市稱湯池街距滇越鐵路可保村車站二里餘省會人士緣火車往返之便多就浴之惟泉富硫磺氣欠清潔村民恆引燔雞羊等牲畜而宜良縣志載湯池有湧金山上建萬佛寺下出溫泉昔產金星石可作硯未知即此湯池否

西浦 雲南府志在城西五里舊無房垣千總謝大章汎縣始營構之其後知縣高士朗重修

宜良縣志在城西五里水溫可浴

又志載西浦溫泉爲八景之一

周澤溥西浦溫泉詩野色迎春綠相携浴碧湍問源非禹穴借鑑
識湯盤着體柔何滑澄心潔不寒披襟延爽坐詩骨覺珊珊

方汝珪西浦溫泉詩爲尋幽勝來西浦試探泉溫識化工四壁秋
光浴日館一池春暖水晶宮澄清常帶烟嵐色溫潤還成灌溉功
若問源頭在何許螳川分派或相通

徐松西浦溫泉詞泉澄西圃四面圍廊廡活水恆溫春應爾煖氣
融和今古 遊人濯足褰裳老龍吹沸蘭湯滌垢何如滌慮趨炎
怎及趨涼

按是泉在縣城西村中村名洗澡塘居民約數十家縣城人士

多往浴之水亦含有硫磺氣

白龍潭 宜良縣志在城西七里黃保村山下潭僅尺餘水湧如沸
灌溉一方田畝

賈龍 小里營 宜良縣志溫泉在治北賈龍微溫在治南小里營
微寒

羅次縣

金水河 羅次縣志溫泉在縣北十里許嵩華山後金水河旁其水
溫潔如瑩玉四方之人多往浴之至九月浴者更衆俗傳去疾舊
有堂三楹張德溥題曰誕登堂潘德徵題曰不因人熱後盡爲水
所沒康熙四十年知縣梁衍祚重修之建閣於外題曰黍谷春溫
江寧孫印題於閣曰到來問水情何熱浴罷看山眼倍青崖生余

維新題曰王化如斯人物隨在溫也宦情若此出山依舊冷然
梅鹽臣溫泉詩浴德常聞賡日新一泓香暖自宜人因思被垢纔
投足不是趨炎始問津地底騰波珠紫紫座間春暖氣純純青華
礪石競相羨應識三城亦比隣

元謀縣

法納禾村 清一統志溫泉在法納禾村其沸如湯可燂羊豕

武定府志溫泉在法納禾

按元武祿三屬通志所載與武定府志同

祿勸縣

普渡河 掌鳩河 武定府志溫泉有二一在普渡河內一在掌鳩

河內

又志載溫泉浮玉爲祿勸勝景之一在州東一百里達磯村旁普
渡河內泉流潔清見底浴之可以療病泉畔松風鳥韻饒有曠致
按武元祿三屬通志載上兩泉所在地及其景況均與府志同
惟清一統志謂祿勸溫泉有二一在縣南五里一在小輯麻村
昔鳳氏所甃今變爲寒泉是小輯麻村溫泉早經改變而縣南
之溫泉就詳細圖說考之亦非普渡掌鳩兩河之溫泉緣掌鳩
河源出縣北流經城東折東南入普渡河而普渡河亦在東南
境均非流經城南故也惟地名未著錄故附見焉

羅平縣 原係羅平州 民國二年四月改縣

法貴村 羅平州志州北六十里法貴村溫泉水潔如玉惜在僻遠
上連陡石下臨深溪徑路險仄往浴者稀

又志載溫泉漱玉爲州境十景之一

清李從乾法貴溫泉詩僻遠溫泉水悠然獨蘊奇清如夷共韻和
與惠偏宜有石堪頭枕無茗亦沁脾茆茆瞻日出佳氣滿芳池

吳侯法貴溫泉詩分得咸池水半灣溪花岸草煖潺潺枕流聽雨
松濤潤解佩懸岩樹影間塵色一襟隨浪去鄉心萬里與波還彈
冠如在清涼境爽氣西來醒醉顏

尹嗣涉法貴溫泉詩寒雨初晴霜氣清溫泉散步趁秋行徐風吹
浪龍翻甲湛露涵春蟹吐晴浴罷乘風仙到骨到來酌月醉邀雲
媧皇煉石餘鑕在嘘吸山川自古今

熱水塘 羅平州鄉土志在州西一百五十里近村有塘濶畝許泉
溫可浴故以名村

雲南溫泉志補卷一

十

木碗齋叢書

第一集

曲靖縣 原係曲靖府附郭南甯縣民國二年四月裁府留縣并改名

分泰山 南甯縣志溫泉在城南分泰山下濶二丈許水沸如湯康
熙三十四年曲尋鎮兵劉廷傑建室砌池今圯

又志載溫泉春浴爲南甯名勝之一

田北湖溫泉略志曲靖府東南二十餘里石堡山一名分泰山泉
寬二丈沸如湯或曰即東山河源

宣威縣 原係宣威州民國二年四月改縣

宛水 續雲南通志稿宛溫水東北流爲宛水右納溫泉水又北流
折東北會可渡河爲盤江

楊於塘溫泉湧珠詩溫泉沸沸宛水東驪龍多少眠其中水暖龍
眠一何熟明珠噴出水精宮好奇頗叫絕看珠邀我行匆匆泉珠